

*Imperium majorum.*

*Comitatus Monumethensis. Imperium majorum.*

*Glamorgania. Imperium majorum.*

*Ager Maridunensis. Penbrochia. Imperium majorum.*

*Ceretica. Imperium majorum.*

grum regnante Gulielmo Rufo, *Bernardus de Novo-mercato*, sive *Newmark* Normannus, vir animi consilii que plenus, conscripta non parva Anglorum, & Normannorum manu, primus aggressus difficili bello a Cambris extorsit, Nestamque Gruffini Principis filiam uxorem duxit. Quæ cum filium Mahelem patrimonio spoliasset, *Sibylla* ejus soror illud adiit, virumque suum *Milonem*. Herefordiæ Comitem hoc honore auxit, a quo successive ad *Breos*, *Bohumos*, *Staffordos*, illisque proscriptis, ad Regem redditus in hoc agro longe amplissimi devenerunt. Brechinia, & Herefordiæ ad Meridianam plagam subjacet Comitatus *Monumethensis*. Hic Saxonica Heptarchia Wallis montanis paruit, qui tamen ut in Legibus antiquis videre est, sub Occiduorum Saxonum imperio erant. Normannorum vero primis temporibus limitanei Duces gravissime affligerunt, præcipue *Hamelinus* *Balun*, *Hugo Lascy*, *Gualterus* & *Gilbertus* Clarenfes *Striguliæ* Comites dicti, & *Brienus* *Wallingfordensis*, quibus cum donassent Reges, quicquid hoc tractu, devictis Wallis, occupare potuissent, hi superiorem Agri partem, illi inferiorem, quam *Netherwent* dixerunt, in suam paullatim potestatem redegerunt. Ultima Silurum Regio est *Glamorgania*, cujus ab ipsa Provinciæ expugnatione Domini fuerunt a *Fitzhaimone* recta linea descendentes *Glocestriæ* Comites, *Clari* & *Spenceri*, inde *Bellocampi*, & *Nevillus* unus & alter, & per *Nevilli* Filiam è *Spenceris* oriundam *Richardus* III Angliæ Rex, quo interfecto, *Henricus* VII hujus agri hereditatem crevit, *Gasparique* *Bedfordiæ* Duci patruo suo concessit, quo sine prole defuncto, ad se universum jus Rex revocavit, & Filio *Henrico* VIII reliquit, cujus Filius *Edwardus* VI maximam ejus partem *Gulielmo Herberto*, quem *Penbrochiæ* Comitem, & Baronem de *Caerdiff* crearat, venundedit. Ad *Dimetas* transeo. Hic primo loco occurrit *Ager Maridunensis*. In eo Fons est (ut scribit *Giraldus*) qui naturali die, bis undis deficiens, & toties exuberans marinas imitatur instabilitates. *Penbrochia* Proxima est. Hujus I Comitum *Gilbertum Strongbow* fuisse lego, cui *Stephanus* Rex *Penbrochiæ* Comitum titulum primus contulit. Ille *Richardus Strongbow* filio, *Hiberniæ* domitori reliquit. Hujus unica Filia *Isabella Gulielmum* Dominum de *Hempsted*, Angliæ Marecallum, maritum eodem adauxit, virum belli pacisque artibus florentissimum. Filiique ejus v. successive *Penbrochiæ* Comites fuerunt: *Gulielmus junior* dictus, *Richardus*, *Gilbertus*, *Gualterus* & *Anselmus*. Quibus omnibus sine prole intra breve tempus sublatis, Comitatus hujus gladio *Henricus* III *Gulielmum de Valentia* è *Lusigniana* in *Piætonibus* familia cinxit. Huic successit filius *Audomarus*. De reliquis Comitibus lege *Camdenum*. Tertia *Dimetarum* Regio est *Ceretica*. Ejus orâ Normanni vix suo in *Britannia* imperio confirmato, statim tentarunt, & feliciter quidē res successit. Maritima enim paullatim, Wallis extorserunt, sed maximam ejus partem concesserunt *Cadugano* filio *Blethini*, Britanno prudentissimo, cujus gratia plurimum in universa Wallia poterat, & quo amicissimo utebantur Angli. Sed cū ejus Filius *Oënus* Anglos assiduus excursionibus infestaret, infelix pater patrimonio multatus, in *Hiberniā* se subducere coactus est. *Cereticam* vero Rex *Henricus*, i. Comiti *Clarenfi Gilberto* donavit. Sed *Caduganus* cum *Oëno* filio in gratiā postea ab Anglis receptus, quæ sui erant patrimonii etiam recepit. *Rogerus* de *Clare* postea *Cereticam Henrici* II munificentia accepit. Sequuntur jam *Ordovicum* Comitatus percurrendi; inter quos